

玉茗堂全集

玉茗堂全集

臨川義仍湯顯祖著

詩

五言古

過洪陽先生叢桂軒望仙有作

張公世名德映響若金鑪西叟明大象東丘感
猶龍全神會日母揚靈觀天宗厥友惟鄧君深

寺

三卷

一

松映芙蓉紛吾托根淺華渠常苦穠閱技止外
獎祈道乃心恭代斲自傷指傳薪寧改蹤僂檢
已如期飽矣青霞峯

答梅季豹問臨川舊遊

亭亭豫章木結根臨汝崖
春年會擘鬱積歲稍
萎蕤隱屏不中材
歷落自反園中心
殊直理外
象多橫枝故鄉有言
鳥爲雛常此棲
陰翳成魂

魄瑩潤出聲儀寧言卽咽喉于棘遂翻飛本無
媚枝葉况乃盡風微如何遠竒翼乘風能見歸
雖無珠與實庶幾從鳳嬉

南都懷舊寄高太僕

清氣日流滅微生多激昂鼎鼎持一身落落行
四方處世乏明膽懷賢無肺腸吾鄉高少卿前
時帥清郎十年禮傾握一字情飛翔高卿名理

詩

三卷

二

近師生風性長欣吾疊斯美薄遊歸不忘雖非
天老隣都殊年少場亦復興瀾漫何止行馨香
深言未河漢古色猶清揚我行夕火中誰知今
雨霜感此星歲移念子雙荷裳

雨花臺所見

冉冉春雲陰郁郁晴光瑩取次踏青行發越懷
春興併知天女後如逢雨花剩宜笑人香臺舍

頻出幽徑徒倚極
煙霄徘徊整花勝
態隨鶯蝶起思逐
流鶯凝美目乍延
盼弱腰安可凭朝
日望猶鮮春風語
難定拾翠豈無期
芳華殊有贈待向
慧香前爲許心期
證如何違玉纓沈
情擊

金磬

黃岡西望寄王子聲

白露滴江城江聲
遶秋至心賞不在
茲幽芳源

詩

三卷

三

難寄木葉號蟬悲水荇潛鱗戲日氣淡芙蓉雲
陰生薜荔栖栖王子情默默楚人思未及湘纍
醒且共蓬池醉遙松起暝色虛竹警寒吹物往
年序遷情存風景異樵歌歸影遲新月忽在地

新昌阻雨夜宴朱明府署中時度四十七

客行苦無棕翅旋有淹疾結課來越州逢迎繡
衣出東閣望嶽邑驚風亂林術擺掣江海雲畫

夜雨花溢衣被徒束濕冠帶已解漈咫尺天台
姿津潢斷非一月巖了在眼正恐夜離畢賴有
佳主人端居許容膝芸香餘護衣綠蕉軒散帙
流連秋水詠黯淡愁霖筆乍覺雲氣疎旋聞雨
聲密淹歌永涼夜慙逢賤生日半百猶在茲倦
遊心所悉鷄鳴動如晦草根悽蟋蟀暫得爽莓
梁去訪烟霞質

詩

三卷

四

未抵嶧數里阻雨仙岩詰朝留新昌作

江寒風雨飛仙岩氣虛碧崩雲沉戶牖衝飈蕩
簷隙孤亭下車馬濕裝開委積熅衣寧及晨蓐
食且茲夕安知夜淋瀝滅燭移枕席恐爲奔湍
阻侵宵警前策抵嶧日逾午剡棹興非昔黽勉
向津衢新昌暮留客信宿何足難去住亦取適
知是淮南豪家世江右籍維揚豫章門水木如

不隔欣言領幽意南巖候輝魄極目蒨梁滑路
迥桑洲驛畧約風雲掀始覺霞標赤軒署復開
敞消散流寓迹豈免厨傳費用慰山水役佳期
良在茲秋光灑蘿薜

古意言別右武

佳會良燕樂厭厭宜密親大醉亦所戒相爲貴
此身出門卽長路况乃在風塵將離曲方撫白

華音正陳近遊得將母遠行祈事君意適豈假
物心期難遇人追從不可得孤遊惟自珍

麗水風雨下船棘口有懷

石城雙水門落日遠江介春潮風雨飛暮寒洲
渚帶流雲蒼翠裏緒風驚鼓外分披悟曾歷合
沓迷新屆宿霧緬餘丘生洲隱遙派地脈有虧
成物色故明昧曲折神易傷幽清境難會江花

荒流故岸草悽行
邁不見林中人
自撫孤琴對
秋雨九華館
送屠長卿便入會城課滿

課奏常有期
牽絲卽前路
出門侵雲嶺
嶺根罷還顧
爭吐野渡急
印牀人交護
簿尉前致辭
餞筵中馬步落日九華館
前臨七津渡
堂北翠當牖
雲霧內源樹
四塞山浮近
一夜雨奔赴
接日何曾乾
噫風數如暮
枕衾移白晝
哀壑繞牀注

前旌亦有去烟炊隔隨住居人疲應接省事示
長素問俗芋收晚未礙山田雨生事隨水源清
時少門戶相對如標枝暫此息文簿得從東海
生歷落省遊趣焚香烟雨外側誦淨名句且以
系今夕持燭及清曙晦朔境未出信宿覺有數
爲霖恐後時曾欲披雲霧

望羅浮夜發

我以適窮髮日氣動海水浮羅落空影結念自
此始山水何泠泠斷道百餘里烟墟有餘姿層
陰相倚徙落日未明館林下宿盥洗攢巒暗星
闕招搖劍東指中夜若有人弄影風霞裡首建
芙蓉冠清嘯激林靡披衣天門外幽篁聽山鬼
送黃太次上都

久從州縣羈偶爾江湖放生事鮮勤渠朋倫或

寬曠身世杳凡存河山輕弱喪實少新知樂空
多舊遊悵忽忽醉言醒有客流高唱精神近修
雅風徽遠駘宕何來空谷音都非世人相呼兒
侍清切邀賓與玄鳴何止發藏書直欲傾家釀
參星良夜中十月寒江上自言交匪今沉冥心
所向風煙良已積江山此彌望蕭條沈思興留
連闕歡債叢蘭霜委浥岸菊風微颺晤言燈燭

深明發波濤壯居焉謝孤癯誰爲發清况遲爾
歲華滋寒香生蕙帳牀源殊可遊靈妃方想像
奉寄趙仲一真寧并問達師

遊道日以迫權夸衆所馮我思一何迥朱絲玉
壺冰古人不可問今茲誰見應無期遍燕越有
美自齊滕丈夫偉容髮赤子重廉能五載半在
焉卽事常撫膺賦粥遠墟呈持籌正井墜寸陰

課桑棗尺水占蓮菱城池香以拂馳道蔭如繩
手疏濁河理笑見嘉禾登流渠欲紅腐還吐豈
虛增波沱下膏霖畧約一風稜晨桑湖舊俗臺
閣傳中丞詎剪甘棠愁深左憲文徵明君皆前
法爲令足師承遠彼西北道濶此東南朋傷錦
自刀怯爲棟豈荷勝虛薄復何意清通蒙見稱
樂郊相婉孌畏路兩凌兢一知殊已足對客良

自矜九州隘並驥六月望南鵬塵泥忽森灑風
雲竟掀騰山公一啟事流品再清澄結夏雲已
峻兼秋氣何疑自公亦玄史有師如白乘偶爲
長笠客知非紫衣僧好相山河影陰光日月燈
同心消語嘿爲道割欣憎林泉風正落河嶽雨
初晁念往側西笑懷來中夜興但得存江海無
勞問斗升

奉寄李恒嶠盧氏并問達師二十韻

江上九蓮峯天門對江起風帆下孤客清光映
遊子相逢非有期相看乍成喜便與醉連榻何
但驚倒屣融霜冬日華衣繡江霞綺雅意薄身
世微言及生死形開法象外趣入清微裏往往
宦遊人依依說名理如君中有真使我窺無始
去別長安道歸涉新安水愛而不可見清言儼

在耳再遼朝朔事一擲飛鳧履光景或留連幽
芳相倚徙感時付三嘆懷人動千里盧敖天正
迴關門氣應紫但取兩同心未須齊一指如聞
紫栢師亦覲青雲士威光常半笠梵唱卽盈紙
一切自匪他兩行是因彼何得往叅承百年三
笑美

送馬仲高入都并問區太史鄧吏部梅嶺

詩

三卷

十

詩

馬生千里姿游閑氣清楚來從海珠寺江光映
重阻相逢邈河漢留遠及羈旅北望且悠然南
裝應幾許冬服委輕織春衣餘白紵時復夢鄉
路高堂離寒暑直欲翻炎溟何緣避風渚長歌
燕市醉短劍吳門語世路今何如天池此一舉
垂楊依遠道遷鶯動儔侶蒼梧舊所歷長安有

心與海目迥清曠韶陽美風緒惻惻江潭人梅
花相憶汝

奉答新喻張克雋明府

微生夙嬰患趨庭迫章句披襟未窮歷吟諷已
入趣稍涉王霸術妄意濟時遇逶迤江海心躡
蹬風雲路得貧還自驕夫官非我素斷汲移沙
井休車倚庭樹常恐交知絕不獲賞心晤長天

紆物色空谷知人處客言神仙尹振鳥龍池野
秋清散明月春陽靄芳露琴歌紛有適簡書澹
無慮高情難圖寥雅意在延佇傾風有近遠賞
氣無新故直以微細質側承君子顧儀文物兼
金惠心深尺素徒知私自憐何期遠相慕白露
滴秋水伊人宛洄溯聊用倚道遙相於及遲暮
止周叔夜嶺行并示丹壇諸友

羈栖遊嶺南所適一何遠何止遠道嘆桂瘴劇
冬履去心在行旅來筮得往塞與若千里期願
我一何晚入門迥驚遠晤言深委婉起坐夜常
半欲去衣數挽燕歌情易摧湘騷韻難反多病
髮有白少營心未損何得攪眠睡亦復減餐飯
心知爲誰設眼見非予忖會是信山王未及遊
嵇阮中冷謝貪水內熱傷炎坂罷謁蒼梧道晦

詩

三卷

十三

息幽蘭晚來成
呂生駕去作子猷
返曲壇多道
書荆扉且愉偃

送魯司農還南漳

上林非一樹
逸韻有同林
忽逢春氣美
因聽黃鳥音
憶昔乘雲翔
凝華散簪襟
晨趨建禮月
晝息蘭臺陰
年髮方向盛
意氣亦交深
洗刷自清漢
何言有飛沉
冉冉二十年
悠悠方寸心

紆北闕羈孤並南粵枕席氣清遠江山候明發
蕩舟星巖遊留後海珠歇側影羅浮外洗氣蒼
梧調落羽傷炎洲蠹桂迷烟月丹砂不可問清
淚銷人骨失路自相親况乃在窮髮窮髮飽經
過拊飛出網羅漸有風雲氣翻增遊子歌新安
水清淺括蒼山翠多繫予垂錦製欣子得琴和
長嘆拂虹霓相憐慎風波踳躐亦何爲有人山

之阿明玉豈終泣上路君鳴珂鳴珂復揚汰徵
書出淮沛旣奉潘輿喜復上司農最三載隔思
存一夕良宴會高閣動春酒平沙方解帶天入
斗牛淺地兼江楚大高歌碧雲合罷望朝隴蒼
南浦君如何眞鴻寄江外

送謝日可吳越遊

與子少窺帷齒至或箕踞嬰其綺樹思啗爾枯

梧據高牕漾文几連赫接清暗蕭朱曉何及機
雲蚤隣庶艱難見真骨拓落遠騰翥豈下西曹
秩獨上東朝疏有才誰不傾無勢敢相馭歸軒
月幾望文尊日荆御顏髮看未足矐矐告我去
有美爲誰侑盈盈欲相語帝都良可樂吾鄉苦
生慮予亦老將客攀翻復愁遽同遊心莫展獨
往世何與未果來歸日且定思存處遲暮及佳

期江山肯猶豫

留別江院林公

憶昔豫章門鳴絃布春徽秋河不及擘南斗有
餘輝霞埃結奔想長嘆阻修畿歛來舊都遊

皇居接雲巍龍川密隴帶鯨海靜霧飛借問使
者誰水玉繡爲衣飛書畱近關弭蓋下遙薇高
門無醜顏今德孰不端向夕動深欵持用慰朝

饑還如銅墨時清言振霏霏溥露適所願徧暑
春將歸和光旣云苦勝戰詎能肥貞松與蘿薜
茲理庶無違

離合詩寄京邑諸貴

琅玕豈不珍玉屑竟誰飯檜樹鬱冬臯木葉辭
秋苑衿曲自悠悠衣帶日趨緩乘月望風霄人
遙尺書斷

詩

三卷

十五

哀糜帥

世亂足張功時平寬養望恢恢儒者雄心兼將
門將處勢辱爲下投巖功始上成事豈因人循
聲須本量從來武功晉二祖或明兩向後多日
色豈取真級仗寄子屬中官籌邊歸上相平北
上雕勅征南奏禽蕩紀効非有律置對亦無恙
一功性命抵百事金錢傍此公無中人何得亦

孟浪圖墜末思窘累至前榮長我觀賢智入議
穴存周防稍爲世業誘少復全名償一心抱中
乎庶幾省無妄

送朱學使江西并爲廬岳之期

握臂豈無人談心非所罄我友朱司功冰凌骨
色稱精入世界理渺含人外興疎燈坐蕭瑟微
言動笙磬及此暮之春忽枉將離贈青衿久相

詩

待追琢必鮮瑩應須校錄餘稍及旌于定琴書
既靜好雅俗殊風聽投分必標呂下軾帷張鄧
幽芳鹿洞啟靜響龍潭應于役在江嶺獨此事
弘勝遲帆宮蠶雲反屐香爐徑倘懷壙霧安歧
予素心證

送方侍御視學西川

新安江水清南國美侍御寶瑟汎春祠朝慶入

清曙偶爾鏘佩同未有風期素徒持清白心點
君簪筆署悠悠思莫往踟躕眷將士宿棘南臺
門桃李西川路禮殿今如何文學漢宣布備逢
金碧影爲報祠官賦

送汪仲蔚備兵入閩

肅帝金天精庚戌秋八月七日子生辰再七我
如達是月太白高大臣有誅殺云何旬朔中受

生多穎發于共毘陵顧我同柏舉梅清節顧能
立瓊林梅並開今 皇二載春邁子北容臺十

年南署郎子真文武才予始上春官都亭逢折
簡歧予謬通籍驚見若同彥封章口不言世人
心有眼拜秩南太常同旋映圭瓊子旋謝荷去
握手清漢門蒼蒼古龍山輝輝寶婺源有書字
豈減三歲心嬋媛予遷主祠事君還省容軒顏

髮稍蕭疎文言自清整止酒爲君開加餐意吾
領時時步雙闕夜夜捫參井滄江臣子心鍾山
帝王影鍾山烈以神石馬含風雲軒轅誠可畏
蒼梧如有聞是日日南至清齋緬靈氛報子得
高遷往憲與泉軍念當江海遙豈云歲華暮昔
在遊鄒呂未嘗隔昏曙十年幾相見夢靄非明
晤人生豈無期交遊亦有數卽知君子交凡百

詩

三卷

六

慎所儀煌波日云遠素絲良不欺與君偶同辰
悠悠心自知惟當白露月清酒祝吾私

丹陽度廣陵懷古

太伯昔讓王光僚遂相踵東南天子氣撫背看
龍種丹陽久已塹白首終何擁不少鄒枚客徒
嗟燕子冢風煙井逕絕朝夕寒池涌千載復燕
城江山聲餘勇

明孀篇爲司農郎武陵丁意有月母夫人

作有序

司農尊人尉蜀名山死夫人哭失明常禮北
斗大士像司農亦誦經祝毋願代竟得李生
針復明士林歌之

舍潔就鮮水孝始燃光燈何如楚梁毋正渴丁
公藤金針付靈藥李生夸國能藥有松明氣針

詩

三卷

九

以金篋稜刻屑事偶爾神明心所憑夫人晝哭
時名山城欲崩哀哀司農兒飛章時上升似有
飛童子空中傳聖僧一撥雲霧起再撒煙波澄
向後足久視不須人寢與北斗倍瞻仰大士常
服膺何止眼爲名身光亦飛騰江漢此靈異冠
帶相嗟稱安知丁孝公遙遙非武陵

鬱孤臺留別黃郡公鍾梅時李本寧叅知

引病并懷

達曙臨高臺清風朝日舒江光麗城闔婉變西
南隅崆峒宮我前僊駕無由紆水京映龍影透
迤青若趨原泉廻豫章雲氣連蒼梧嶺海軒櫺
闕遠勢若可呼集合五方人割立四州樞鼓角
中天鳴公府鎮文儒龍門不可見雲杜將何如
蒼茫洞穴中砉然成古初黃公所行縣冠帶十

詩

三卷

二十

數區于今四三年
燼火稱名都
扉宇何鱗次
人語襟川途
方州仰流粟
物土驚華腴
信美不可留
飄飄安所湏
皂蓋吹雲清
翠玉含燵蕪
炎洲方橘柚
高宴深菜萁
似昔黃次公
高齋遊鳳雛
初矜逐臣遠
猶憐僊尉殊
佳期晨夕淹
懷人燵月俱
播心躡光景
長嘯凌虛無
何得此高臺
千

秋名鬱孤

虔南津口得黃郡公扇頭明月篇却謝

風物想南都波濤向東粵晨登鬱孤臺蒼茫度
城闕寒帷自遵渚幽芳坐林樾忽在人吏來新
篇贈明月徘徊青桂枝宛戀流蟾窟凌寒秋色
晚入夜河影沒東井流清光南溟照窮髮佳氣
有迴合輕霄時彷彿感君卿月姿悠悠養清質
紈扇豈終掩嬋娟恒自出還以海中珠來投漢

川橘

飛來寺泉

峽山雲氣深松栳參蒼徑縹幡遶屏翠闌干抵
一凭山僧日影過禪房點清磬冒爾寒泉下冷
然愜孤聽近音風葉灑遠韻蒼梧應小品甘露
華長流水晶瑩曹溪脉陰引炎岡冰欲凝稍動
寒漿色雅與齋厨稱花木恣涓滴竹砂通餘賸

經聲法流得猿吟峽僧定瓶鉢住空影尋常儻
最勝何意熱中人洒落飛來興

過魯嘆

有言常不知世智非所期孔子亦何人鳳兮真
我師弦歌悅匡邑大樹惱桓雅微服良已苦塵
歎旋復疑豈不懷古懼生今此一時但見路如
織那得響如絲老子既西訪盜跖亦東窺居夷

只如此泛海欲何爲

鄒嶧

亡麟止東周有孛行西國悠悠交喪時豈辨儒
與墨依希顏母山孟母居其側子與幼希孔俎
豆嬉何飭三遷豈忘報闕宮尊鬲食刻像墓門
前擁涕機中織故無牛鬲意近爲馬遷惑燕齊
多迂怪三黜同伏軾始知仁義人浩然不可逼

幸哉有如此丹青思維則藹藹宮殿深更
相直玲瓏堦嶂山朝陽千古色

戊戌覲還過陽穀店覽丁亥秋壁間舊題
惘然成韻示趙騰侯

伉伉南奉常報秩此停馭一言怒公府萬里辭
春署海漸僊尉姿縣愧神君譽所幸無愁嘆琴
歌足容與來朝正月朔得奉春王御偶隨還縣

牒復繞清吟處開燈牆面塵岸枕窗榻曙身名
良以悠歲月何其遽俯迹自沽衣驅車從此去
勉矣後來人當知心所語

夢覺篇 有序

戊戌歲除達公過我江樓弔石門禪登從姑
哭明德先生往反巳亥上元別吳本如明府
去棲鑪峯別予章門予歸春中望夕寢子內

後夜夢床頭一女奴明媚甚戲取盞梅蘸着
之忽報達公書從九江來開視則削成小册
也大意本原色觸之事不甚記即其末有大
覺二字又見書海若士三字起而敬志之公
驚呼予寸虛此度呼予廣虛也

花朝風雨深同人醉三市尋常獨眠睡此夜興
偶爾鷄鳴床帳前何得小皓齒瘦生巧言咲青

衣乃裙綺窺帷映牕旭歷矇如可喜忽忽堂上
音云是達公使有書似剖劄印以金粟紙裝纏
若禪夾璘璫字盈指床頭就披盥開讀不及几
似言空有真并寃色無始迄末有弘願相與大
覺此向後指翰筆自書海若士如凝復如覺覽
竟自驚起達公今何處宛自官亭止起念在一
微九江有千至達公雖心適何得便飛耳感此

重恩念淚如花墜
誰片靈誠淺悟大覺有深旨
瓶破鳥須飛薪窮火將徒骷髏
半百歲猶言不知死頂禮雙足尊
回旋寸虛子

爲浙司運長陸公受命三世題卷

南陸且天半東吳滄海餘
華亭警清唳崑山留
片瑣璣流自方折峩峩中
大夫通材何茂明本性則貞孤
鳴琴出清豐水部鏡陪都
專城坐已

貴筴海道何紆磊砢三十年貌古中亦俱豈無
同年友高爲朝市樞教忠非教諂獨立時步趨
誰憐驥之子兩世伏鹽車小往大必來龍護理
所湏果以四考甄兼之八命殊三葉被天暉名
卿或不如寄言忠孝子世路每乘除

亡書嘆

兩都三十年買書幾千帙存亡逝祕寫願亦費

紙筆校壽無停轡金石銷弱質苦成文士名程
與時賢匹愛信復何意壯志未云畢念此立人
智候彼承家一高樓留丹青以擬蓬萊室歸休
甯人事卧久玄思溢期間理籤軸半百永餘日
安知雨痕深并與青箱失龍門幸未腐羽陵聲
將佚聚散理常然低空抱吟膝

答姜仲文

詩

三卷

三六

白日不可常孤雲亦何媚萋芳淡遊子流泊世
所棄事去息交久書來喜君至愛日生寒姿停
雲起高翹經營二三月岷逖豈遑避驚看就長
揖道故如矢志相聞善爲樂相見乃憔悴爲文
寧自傷情多或爲累感君珍重意承睂不能淚
在沼魚何樂先秋葉難翠長歌聊復聲短袖時
一戲今日眼中人何年心上事

再別仲文

南國有儀刑東海一氣候昔事宗伯公道業在
宇宙如存鍾鼎姿得奉夔龍袖樹德豈無前達
人真有後誕我通家友濬發在其幼燭銀揚光
陰冰玉相吐噉萬里心常在千秋業垂就非惟
霞綺鮮轉覺風流厚遊刃日知新下車歲存舊
蘭思未敢言衮衣將我覲涉江空緬邈零露非

邂逅把臂未終揖忽忽嘆我瘦將無歌咲疲豈
爲衣食搆未少噓寒石終多出雲岫悽然謝不
敏苦樂罄所受容髮過半百敢辭白與皺中懷
行復語隙陰非可逗於君覺有情勸我學無漏
我友達上人英風露禪秀舟攜卧風雨此事相
擊和同心既云往獨影誰能究但自修正足偶
亦存善宿狂思風落山微情石穿溜世智了無

取小衰當復壽迥迥百年歌臨岐爲君奏

嘲真州友人李季宣

我友江南人雄捷冠知識能笑復能言能飲亦
能食衣帽好輕嬌浮光滿容色忽直庶人風眉
脣改初則對鏡苦不怡逢人恒欲匿憎醜乃重
傷矜好已前惑及此器未虧當知重爲德

聞北土饑麥無收者

詩

三卷

天

關河昔泛舟，汶洛今懸磬。方茲隴麥稠，已絕行人
人。逕餘芒上拂冠，棄桴深隱蹕。河上積尸明，田
中穀王勝。小蹇運新沆，太平氣湏應。但使夢維
魚，寧湏生玉甕。

戊子春

南都昔佳麗，太學曾紆軫。士女接春游，清郎陪
勝引。俱稱石城樂，未聞長安近。重來十星歲，颯

沓歡意盡豈無春日尋常似風變
素屋生煙紫陌多流磴耳目都非是
言笑復何忍
官行疎但覺吏議謹在清豈魚樂
吾遊非雜隱
忽忽清齋罷林行拾青茵

饑

西北久食人千里絕煙影如何江海氣
遍濕東南境越人苦蛟龍吳都復蛙黽
鳧茨涸濱澗水

詩

皮盡蹊嶺由來三輔民仰粟二西省所在亦中
熟津梁各有警江船絕肝顛楚粟慳衛郢陵麥
青未熟香秔種猶冷底春歌已斷涉夏饑殊永
淋滲傷雨氣滄茫視風景京尹裁施粥市人糶
說餅心蘇流殫積色沮伴庸騁江漢漕方下水
衙粟已請且馮今年租徐看水田顛

內弟吳維文訴家口絕穀有嘆

巴丘有再獲瑯琊豈盡釋萬端給一口常爲餓
鬼笑幸堪童子師筆舌苦難掉汝祖長沙王漢
册遠有耀千秋子孫大舊日衣冠妙先疇近零
落莓田苦曠遶變化乏工本打勞復沙剝今年
普天餓非汝獨愁叫河海半相食木礫飼老少
雖然發臺穀幸自息流疇地產覺今疲天意敢
前料海珠不受祿河魚將息釣積著漏奄戚屑

越流邊徼池竭每自中沙墮直緣峭未賜江南
租久讀山東語秋毫自帝力害氣吾人召汝等
牛一毛生死負犁鋤芝蔴同婦種豆虫須裸照
冬稔即可晞休車有餘餽

江西米信

半罷筒宜崇台路承野賴數載年谷多出入頓
流濫云何忽議責小斛千錢廩所在津梁絕似

有流傭瞰家君勉調濟寄書教省淡江湖氣
急牛女星未暗契澗江乘人喧趨來臨鏡

寄問三吳長吏

鍾陵今若何帝都非可問白骨蔽江下赤疫駢
門進豪家終脫死泛戶春零燼人多地欲癢物
極天爲震嘆此開天域作鎮京吳近河朔仰津
濟江東紆轉運諸君股肱地朝廷肩髀郡德星

音未沉早晚照吳分

疫

以上七首戊
子巳丑間作

西河戶若魚東嶽鬼全瘦江淮西米絕流餓死
無覆炎朔通烟燼生死一氣候金陵佳麗門韜
席無夜叢腦髮寘渠薄天地日熏臭山陵餘王
氣戶口入鬼宿猶聞吳越間疊骨與城厚宿麥
苦遲種香秔未黃茂長彗昔中天氣燄十年後

乘除在饑疫發泄免兵寇恩澤豈不流
勿漏精華豪家取害氣疲民受君王坐終北
土分神溜何情飲餘人得沾香氣壽

李母詩爲彭生作

星氣美中都溫泉臨古滌良哉二千石延安今
則無自有賢夫人鷄鳴相其夫時時親女工一
一窺圖書終以寒女心從容汶水隅五馬行何

詩

三卷 五

之歸視堂上姑箴管日在側脂膏誠有餘專人
忽已遠清房行復徂青鸞爲子孫樹羽各扶疎
誰謂棗榆光俯映朝陽梧兩見戊子春載過長
夏初王母坐花勝侍女紛離瑜云是郡夫人年
初九十餘燕喜方未央德靈源自殊母家苦縣
李夫是彭大夫

北河傷鴈付菊寺僧

蟻流白石山篙師欲凌亂撐枝何所爲前有失
群鴈帖水沒還出趁逐相流轉垂及稍低飛清
波影橫箭幾爲弋所留復爲漁所羨偏隨風勢
落安知雲影斷相悲常恐及相依肯畱玩未絕
飛鳴分代彼作慈觀願依大慈力出箭入雲漢
普爲射鴈人無生可令患

送詹參知督餉思歸常山

風土無睽曠交知常阻修自我爲兄弟興言二十秋何况常玉山壤接枝相樛平昌昔傷錦出入在龍丘徒申式閭敬未果傾蓋投忽忽來豫章我覲如舊遊榮落固以遠顏髮亦何適五十慕慈母語及涕不收知君孝義人所至篤以柔于役事軍國紅粟常千艘星言及春波寘御爭獻酬中江出陽鳥于淮恣歸舟紀綱在維楫潤

澤宜安流吉哉君子言世物緊所求出身苦瘦
病雅意良優遊時勤損益嘆略與乾坤壽同人
或語嘿未濟難樂憂諒隨簪尹卜靈均安所謀
同侪文送青田劉生還吳有懷達公

事業不可爲君子薄時勢那知天下士動輒人
間世弱冠殊澹蕩及此傷年歲畧涉區中緣每
直雲外契知新但含咲念往常悲涼人生虛有

夢世界實無蒂一言太山重萬事秋毫細我友
丹陽彥愛我心無替相見動驚變相愛及危晚
咄咄劉生白道出文成裔黃石胡遺訣蓮華敷
半偈清齋自童子高冠側環衛頓挫成一擲沉
潛發孤詣石園亦奇人得此爲兄弟三遷出吳
會攬結皆蘭蕙霞高赤城燒鶴遠青田唳鵝來
江上游雅一孤舟繫眠隨沙鳥淨坐覺山雲霧

憐予貧病姿問我抽珠髻空虛了無受名身復
何計大有竒特人教作深弘誓夙聞如是言憤
嘆一投袂及此老湏眉復是少智慧飄空念亡
子在世如贅媿交初語言外苦甚別離際光景
昔如來達人今善逝遙子獨臨崖玄津方鼓枻

懷遂昌辜明府

繁彼河陽花翳此柴葉柳叱嗟誠一時千金敵

如帶刀新付全目錦傷歸妙手道引清源潔氣
興溫陵厚冰雪明高堂雨露深疇畝虎檻餘已
除鹿蕉訟希有自乘丹石契何似青衿友羣山
高隱天一邑大如斗琴歌君子堂流風出溪口
始覺珠玉前仍驚簸揚後遠音發疵賤心知寄
瓊玖側側含謙尊依依惜貧朽宛變吏民意感
激爲君壽拜最及春明雲霄方矯首

同于中甫兄傷右武并別

賢愚迴貉丘河山思曩壤飄離性有適遇合趣
無爽追憶齊年歡祖知十年長輕蓋排風游高
裾集雲賞

雲賞復風馳出入何霏霏鸞鷁映初采襟期寧
足揮恒乘日用理兼參微妙機分拙委炎整晞
光睇遙薇胡爲泝風波慷慨亦來歸

來歸既永久得遂清言樂美人猶在茲達公安
可作惠風千里至蹇裳恣江閣鬢素故無異肥
瘦乍相愕燕慰極公私深心向寥廓

寥廓非一端當歌忽成泣紛駭百年事機牙互
相襲存者志四方逝者據原隰非身患仍有將
智耄恒及引領洪厓顛靈氛庶茲禔

洪厓不可觀蕭峯長自清月出瀟瀟遠煙生巖

戶繁中有幽人居留遠高尚情終却不可得流
嘆以屏管

屏管亦難留春江有行舟摧殘素心香迴招清
佩悠語嘿道方委風雲氣何求壯隨榮落盡晚
覺眠食便何嘗咏左將子復來遊

伍貞婦詩

青雲有貞婦宜家成孝廉婉婉閨閣間恩意何

沾沾計借泣有贈爲兆理亦憊孝廉竟客死貞
婦誓隨殲蒲桃豈療饑聊以寬慈嚴兒女傷人
心歲月難久淹素履示芳跡池光沒流蟾北海
如可期良不愧鯁鯁

送黃元常偕叔幼于弟仲倩叔遠同魏季
玄歸應秋試

世故不可期心迹殊自知早從冠劍蒙老爲尊

何癡兒乃通家子欲以專門師率爾動致敬友
子仍切憇分燈雨聽急散帙晴軒遲永日坐自
課良夜析所疑問事愁不休談文欣一爲清切
從函丈留連低絳帷念此欲何之磊磊休明時
講肄若鐘鼓虛鳴寧足羈牽率吾家駒黽勉子
里馳黃世瓊瑰業魏生金石姿學子一如此起
予良在茲結帶蕭中堂信宿行參差賓散委餘

張明聯紆遠思百日共升第七州誰見隨把酒
暮河橋高歌謝林涯君看白雲起秦青方此辭
夕佳樓贈來參知

出處等維塵未若蕭然真蕭然若有會虛微自
相親身參市朝侶不廢煙霞賓我有齊年歡故
自同心人

同心兩相悅日夕春詞列善誼藹中明微言皎

芳潔今政古猶存古心今所設澤引岱宗雲清
拂峩嶷雪

雲雪渺何似丹青窈難滓行藏隨萬端死生猶
一視粗存糧藥資長有溝壑志經濟自常體著
作乃餘事

餘事映風規月露春江瀾登樓泣華燭寸心良
不欺伏櫪驥聞嘆遊梁魚見知良用永今夕招

爲黃髮期

贈鄒南臯留都六首

靈崑軸海脉丹穴被天精用九開潛躍得一佐
寧清皇皇孝肅朝柔剛隨盛明長祥發冲聖奇
聵屬師鄉

師鄉倚竒眷剛氛護衡鉉依陰候虹起疑陽忌
龍戰銷心三輔豪殞氣諸生彥東吳未變驛西

江已麟見

麟見豈無時賢與自有宜君子秉昭質忠孝復
前規處志毅中孚折體象明夷揮戈事廻遠碧
血理經奇

經奇歲屢周橫天誓已流途窮擬開濟弦絕事
調柔維解沫昭蘇往蹇奉咨疇遂參玄袞闢風
性藹皇州

皇州曠且綿重闈峻而玄欽貞情率爾誹駿理
常然徂秋玉帛起獻歲簡書拍祥金無北躍驚
珠有南遷

南遷殊北徵今心豈昔懲昔賢懷蒼語今子謁
鍾陵晚襲禱竟天弱質憚恭承揆余昧修惜何
以贊居與

聞沈純甫郎中臥病宅旁見題欲奏

丹荒逐流禦勳遺存百身虎氣旣奄昂龍龜始
奮辰還生及無恙溘死見陽春管吾經祓浴越
客定吟呻胡爲罹孤瘳沉臥倏燕旬豈棲華于
室寧竄清漳濱傳聞君舍側詭象若爲僂循形
異中散聽招殊孔賓張口每聞咲飛彈時中人
一車紛可駭九鼎具難陳効之了無應唾之行
復親朗朗長安陌雄雄帝座宸日月交照耀雷

電倏精新云何坐官邸見此非人倫幽憂豈滯
滯軫結在棼泯有醜旣懟雅宜笑倍傷均且事
立糧藥無爲廢經申玉司空上檢金明閒列真
予官南奉常高寢肅宗裡行祈盛威曄無令斯
鬼神

送右武出關

聚散杳無期有如驂與駢送子遊近關念遠意

何微端簪觸奉身弛繡戀閨闈斗水有清濁盈
庭無是非丈夫行一意何在久依違

古意送王太蒙東粵

日涉境何常善代理難一衝波日以移真意稍
流夫妻風感締絡世樂倦琴瑟豹飾豈無人羔
羊非此質

質清寧近名我友真人英被服必儒素退食少

餘羸道遠室人嘆齋居童僕貞環觀滄海資焚
焚開四明

開明海上霞矯矯雲中鵠清人常宴舒墨吏時
迫東井止峻公方相於雅繇俗尚有典型人心
知式如玉

心知誰不然出牧今旬宣節鎮久人望物色新
時賢每闡三事虛常爲九伯先嶺海復何意庶

以清炎煙

炎煙依我友秋風惜攜手
天池萬里心沙城一杯
酒物情自可見素絲足
回首來往必章門離
離候南斗

蘧菴詩爲韓求仲作

浮言不可收精意良有儲
日中必陽燧月下宜
方諸世人空有心安知情
所餘噴噴白日中浩

嘆不可除不如籍高枕長與神明居懷來隔山
海夢去同菴間歇後偶成睡睡久爲之遽試問
遽然覺何似嗒然虛傷心春華胥身世不知渠

智志咏示子

有志方有智有智方有志情士鮮明體昏人無
出意兼茲庶其立缺之安所詣珍重少年人努
力天下事

爾翁予別號也得林若撫爾翁詩爲范長

白書感二妙之深情却寄爲謝

爾翁入壘時絲緒無一縷自分省眠食與世絕
筐筥吳門八蠶地故物復何取忽此枯桑翁謬
以鮮華與驚若承沮渙采拾被蓬旅噓枯施蛾
眉存殘惜機杼墨妙范長白歌清林若撫荀卿
誠感賦曼倩或諧語何得奉珠盤空思淚如雨

詩

三卷

四

己卯歲同方汝明海寧禪院

落日梅花峯明霞繡空沓芙蓉不可摘憑雲卧
高榻懸藤帶飛鼠平林依在鷓棲燈九蓮下幽
香滿禪衲西來問者誰吾亦忘吾答

二京歸覺臨川城小

舊京三四年望鄉心鬱然拜計東華門歸舟鴻
雁天遠色入江湖煙波古臨川夙聞賢府主冠

帶相繇延賓親盈毘中任反日夕旋北窺青羊
洞南上銅林阡門巷不相當轉側在眼前始覺
都城大三穀未摩肩人世且區域况乃登雲烟
下視大小城數點何蒼然枌欂古在茲寸心安
可便

方圓吟

生物鮮非圓制物多從方卽此先後天方圓各

有當悟者妙萬物滯者差尋常